

verso collegio; et era molte parte rechiede per mi, zercha li successi et cosse di Modom, che fè il conseio molto dubitar, non fusse sequito qualche mal, *maxime* per li fuogi vete do di.

Electo provedador a Caravazo.

Sier Domenego Morexini, fo camerlengo a Verona, <i>quondam</i> sier Marim	62.104
Sier Jacomo Donado, el grande, <i>quondam</i> sier Carlo, da San Polo	71. 92
Sier Piero Michiel, fo provedador a Rimano, <i>quondam</i> sier Lucha	74. 94
Sier Marco Balbi, fo 40, <i>quondam</i> sier Beneto	38.133
Sier Hironimo Querini, fo di la zonta, <i>quondam</i> sier Andrea	96. 68
Sier Francesco Bembo, fo a la chamera d'imprestedì, <i>quondam</i> sier Andrea	66.100
Sier Andrea da Mulla, fo 40, de sier Nicolò	30.141
† Sier Alexandro Malipiero, fradello di sier Zuane, intrado al soccorso di Modon	110. 60
Sier Andrea di Prioli, fo provedador sora l'armar, <i>quondam</i> sier Marco	48.117
Sier Jacomo Cabriel, fo auditor vechio, <i>quondam</i> sier Bertuzi, el cavalier	59.111
Sier Hironimo Loredam, fo provedador sora i officij, <i>quondam</i> sier Lorenzo, dopio	48.118
Sier Bertolo Contarini, fo vice consolo in Alexandria, <i>quondam</i> sier Polo	78. 83
285 Sier Jacomo Antonio Trivixam, è provedador a Casal Mazor, de sier Baldisera	37.125
Sier Hironimo Baffo, fo provedador a Riva, <i>quondam</i> sier Mafio	68.104
Sier Piero Baxadona, fo provedador sora l'armar, <i>quondam</i> sier Antonio	55.114
Sier Bernardo Zane, fo cataver, <i>quondam</i> sier Hironimo, dopio	69.101
Sier Marco Moro, fo zudexe di petiziom, <i>quondam</i> sier Zuane, <i>quondam</i> sier Antonio, proconlator	46.122
Sier Beneto Vituri, fo auditor nuovo, <i>quondam</i> sier Zuane	77. 90
Sier Hironimo da cha' da Pexaro, fo provedador a Pizegatom, de sier Fantin	49.119
Sier Alvise Zustignam, fo consolo di merchadanti, <i>quondam</i> sier Unfre'	45.119

I Diarii di M. SANUTO. — Tom. III.

Sier Francesco Duodo, el 40, <i>quondam</i> sier Lunardo	64.105
--	--------

A di 2 septembrio. In collegio, aldito da la Signoria prima li tre auditori deputati al banco di Garzoni, in contraversia con li consoli di merchadanti, intervenendo sier Zacharia Cabriel.

Vene l'orator di Franza. Prima ringratiò il principe e la Signoria, esser stà brusà la barcha a quel fante di Beneto Zio, gastaldo di le munege di le Verzene; et hessendo stà zerchato di prender el barcharuol, qual li fè l'oltrazo, è andato a Ferara; perhò prega la Signoria li perdoni per amor suo. Poi disse, in materia dil legato dil papa o vero orator, li à parlato, voria la Signoria facesse a qualche modo il papa non si sdegnasse. Risposto *sapientissime*, non volevamo romper la nostra fede, et non era tempo di parlar di tal materie, *maxime* hessendo il tureo a campo a Modon. Et in questa matina, a soa instantia, fo fato frustar uno che batè uno corier dil re per li signori di note, di San Marco a Rialto. *Etiam* per l'oficio di li avogadori, di hordine di la Signoria, fo mandato per sier Fantim Valaresso, provedador a Pizegatom, vengi qui; et questo per l'oltrazo feva a una dona de li, sua inamorata, et fo scritto a li rectori di Cremona, vi mandasse li uno di camerlengi.

Et in questa matina fo balotato, con sier Bernardo Bembo et sier Thomà Mozenigo, governadori de l'intrade, certi capitoli di esser posti ne l'incanto dil dazio del vim. optimi ordeni, et di desfar li casoni di Botenigo *etc.* Ave 19 de sì, 3 di no. *Etiam* nel conseio di X fu preso, far uno capetanio a la stimaria, in vita, con ducati 8 al mexe, acciò divedi li contrabandi *etc.* Noto, il dazio è hora a ducati 58 milia, et sier Francesco Pizamano, gobo, l'hebe l'anno passato per ducati 56 milia; la spexa è ducati 5000, *adeo* ne à vadagnà questo anno ducati 12 milia; *unde* fo ordinato a li governadori non lo delivrasse senza hordine.

Vene sier Lorenzo Loredam, sopracomito, qual per non haver la sua galia signata, refudò armar; et fono chiamati sier Zorzi Trivixam, electo per pregadi, e sier Marco Antonio da Canal, electo per collegio, ai qualli fo ordinato domam metesseno banco. La galia di sier Sabastiam Tiepolo è armata, et cussi sarà ozi quella di sier Sabastiam Marzello, qual era podestà a Cologna. *Item*, ozi le 4 galie di viazi messeno banco, justa la parte.

Vene uno messo dil signor Carlo Orssini, con domino Anzolo Tancredi, suo secretario. Expose cosse